

Tabell B-fk

Overgangsordninga. Fylkeskommunane

I 2015 blir inntektsgarantiordninga (INGAR) erstatta med ei femårig overgangsordning, der nedgang/auke i tilskot for den einskilde fylkeskommune som følgje av nytt inntektssystem blir fordelt over fem år. Tabell C-saker som blir flytta over i utgiftsutjamninga i 2015 er òg tekne med i overgangsordninga. Femårig innfasing inneber at fylkeskommunar som får ein nedgang i innbyggartilskotet som følgje av verknadene av nytt inntektssystem må dekkje 1/5 av nedgangen det første året. I år 2 får ytterlegare 1/5 av nedgangen i tilskot verknad, slik at fylkeskommunane må dekkje 2/5 av nedgangen i tilskot. I år 5 slår heile fordelingsverknaden fullt ut. Ordninga blir finansiert ved at auken i tilskot for dei fylkeskommunane som tener på endringane blir halden att, etter same modell som for dei som taper. Summen av overgangsordninga blir dermed null. Endringa i inntektssystemet får full verknad først i år 5.

Innbyggartilskotet til fylkeskommunane i 2015 er i utgangspunktet rekna ut med fullt utslag av fordelingsverknadene. Overgangsordninga er berekna på grunnlag av differansen mellom innbyggartilskot 2015 med fullt utslag av endringane, og innbyggartilskot 2015 utan endringar i inntektssystemet, dvs. med tidlegare kostnadsnøkkel. Fylkeskommunar som får negativt utslag i fordelingsverknadene får att 4/5 av tapet i overgangsordninga, mens fylkeskommunar som vinn på fordelingsverknadene får redusert auken med 4/5 i overgangsordninga.

Ved berekning av innbyggartilskot 2015 etter tidlegare system er det teke utgangspunkt i følgjande føresetnader: For beløpet som blir fordelt etter tidlegare kostnadsnøkkel er det nytta eit utgiftsbehov som svarer til samla utgiftsbehov 2015, minus prisjustert beløp for sakene som blir flytta frå tabell C til fordeling etter kostnadsnøkkel i 2015. Det er vidare nytta oppdaterte kriteriedata for innbyggjarar fordelt etter alder og for søkjarar til yrkesfaglege utdanningsprogram. For saker med særskild fordeling er beløpa prisjusterte. I korreksjonsordninga for elevar i statlege/private skular er samla trekk fordelt ut att etter tidlegare kostnadsnøkkel.

Kolonne 1 – Innbyggartilskot 2015 inkl. utgiftsutjamning og korreksjonsordninga, ekskl. saker med særskild fordeling, før overgangsordninga

Kolonne 1 viser innbyggartilskot 2015 inkl. utgiftsutjamning og korreksjonsordninga for elevar i private/statlege skular, før overgangsordninga. Dvs. at innlemming i 2015 av saker som tidlegare låg med ei særskild fordeling i tabell C er teke med (drift og vedlikehald, investeringar, styrking frie inntekter og nye fylkesvegferjer frå forvaltningsreforma, samt NOx-kompensasjon, CO₂-kompensasjon, omklassifisering av ferjesambandet Svolve-Skrova og skule- og studentrabatt). Saker som framleis blir

liggjande med særskild fordeling (tabell C-fk) er ikkje tekne med i beløpet. Beløpet er summen av kolonne 1 og kolonne 2 i tabell 2-fk.

Kolonne 2 – Innbyggjartilskot utan utgiftsutjamning og korreksjonsordninga, med tidlegare kostnadsnøkkel

Kolonne 2 viser innbyggjartilskot utan utgiftsutjamning og korreksjonsordninga for elevar i private/statlege skular, med tidlegare kostnadsnøkkel og utan innlemmingar av saker med særskild fordeling.

Kolonne 3 – Utgiftsutjamning ekskl. korreksjonsordninga, med tidlegare kostnadsnøkkel

Kolonne 3 viser utgiftsutjamning utanom korreksjonsordninga for elevar i private/statlege skular, med tidlegare kostnadsnøkkel og utan innlemmingar av saker med særskild fordeling (sjå omtale under kolonne 1).

Kolonne 4 – Netto korreksjon for elevar i statlege/private skular, med tidlegare kostnadsnøkkel

Kolonne 3 viser netto korreksjon for elevar i private/statlege skular, med tidlegare kostnadsnøkkel og utan innlemmingar av saker med særskild fordeling (sjå omtale under kolonne 1).

Kolonne 5 – Saker med særskild fordeling i 2014, som blir innlemma i 2015

Kolonne 5 viser 2014-fordelinga av saker som blir flytta frå tabell C til fordeling etter kostnadsnøkkelen i 2015: Drift og vedlikehald, investeringar, styrking frie inntekter og nye fylkesvegferjer frå forvaltningsreforma, samt NO_x-kompensasjon, CO₂-kompensasjon, omklassifisering av ferjesambandet Svolvær-Skrova og skule- og studentrabatt. Beløpet er prisjustert og vist i 2015-kroner.

Kolonne 6 – Innbyggjartilskot med tidlegare kostnadsnøkkel

Kolonne 6 viser innbyggjartilskot med tidlegare kostnadsnøkkel, ekskl. saker som framleis blir liggjande med særskild fordeling i tabell C-fk. Kolonnen er summen av kolonnane 2–4.

Kolonne 7 – Fordelingsverknad med fullt utslag (1000 kr)

Kolonne 7 viser fordelingsverknad med fullt utslag av innlemming av tabell C-saker og ny kostnadsnøkkel i 2015. Beløpet er differansen mellom kolonne 1 og kolonne 5.

Kolonne 8 – Fordelingsverknad med fullt utslag (kr per innbyggjar)

Kolonne 8 viser fordelingsverknad med fullt utslag av innlemming av tabell C-saker og ny kostnadsnøkkel i 2015, i kroner per innbyggjar.

Kolonne 9 – Overgangsordning 2015

Kolonne 9 viser overgangsordninga for 2015. Beløpet er 4/5 av fordelingsverknaden med fullt utslag i kolonne 7, med motsett forteikn.